



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitulvm Vlt. Vt singulæ.

---

[urn:nbn:de:hbz:466:1-62559](https://nbn-resolving.org/urn:nbn:de:hbz:466:1-62559)

rochij præfati sunt, Gl. margin. interprete) in administratione sacramenti, & horis canonicis præfatis assidui sint; Episcopi sui præceptis obediant: Episcopo autem absente, omnia quæ sacerdotalis officij sunt, agere, vel alteri sacerdoti committere debet.

## CAPITVLVM III.

## Officium.

**A**rchipresbyter ciuitatis, absente Præsule, inchoat officium Ecclesiasticum, dat benedictionem presbyteralem, Missam canit, vel alteri mandat: Episcopo Missam canente ordinat sacerdotes ad altaris ministerium: Custodi præcipit, vt in sacrario Eucharistia adsit pro morituris, ne sine sacramentis decedant; vt aliunde accidentium diœcesanorum confessiones secundum Episcopi prouisionem excipiantur: Sed & ad Catechumenorum informationem, & infantium baptismum sacerdotes prouidere debet. Legi hic potest Host. n. 3 & 4.

## CAPITVLVM VLT.

## Vt singulæ.

## PARAPHRASIS.

Decens est, vt Episcopus onera sua partiat, & sicut ipse Ecclesiæ Matrici seu Cathedrali præest, ita per plebes Archipresbyteros seu Decanos rurales constituat, quorum officium sit non tantum plebis imperitæ sedulam curam gerere, sed etiam presbyteris, qui minoribus parochijs præfunt, inuigilare, & quæ quisque industria opus diuinum exercent, ad Episcopum referre.

## SUMMARIUM.

1. *Habet Archipresbyter, seu Decanus ruralis iurisdictionem in foro externo, ita tamen vt causas grauioris momenti ad Episcopum referat. Circa urbanum spectanda est cuiusq; ecclesiæ cõsuetudo.*

2. *Habuit olim iure antiquo iurisdictionem fori interni in reliquos sacerdotes, non autem iure nouo, sacerdotes & alij clerici seculares cuiuslibet Confessario exposito confiteri possunt.*

3. *Decanus ecclesiæ Cathedralis dignitate seu personatum habet, non sicut rurales.*

**Q**UÆRITVR I. Vtrum Archipresbyter iurisdictionem habeat in foro externo? Affirmat Gl. in hoc c. ver. referant. Id. que satis colligitur ex textu, si sermo sit de Archipresbyteris seu Decanis ruralibus, qui veluti Vicarij Episcopi foris constituuntur ad gubernationem Cleri: Ita tamen, vt quæcunque alicuius grauioris momenti sunt, ad Episcopum referat. In ciuitate autem, siue vbi Sedes Episcopalis est, necesse non est, Archipresbyteros Ecclesiarum iurisdictionem externam habere; cum omnia ad Episcopum, aut Officialem eius, vel ad Archidiaconum referri possunt. Spectanda verò est cuiusque Ecclesiæ consuetudo. Nam quibusdam locis, in quibus Archidiaconus non est, iurisdictionem in Clericos competit Archipresbyteris seu Decanis Ecclesiarum Cathedralium & Collegiatarum, vti notauit Hostiens. hoc tit. n. 1. Petr. Gregor. Tholos. lib. 15. Syntag. c. 21. n. 15.

**Q**UÆRITVR II. Vtrum Archipresbyter siue Decanus iurisdictionem fori interni in sacerdotes reliquos habeat? Respondeo. Spectato iure antiquo, habere iurisdictionem & curam animarum, adeo vt nemo presbyterorum alteri, quam Archipresbytero suo de peccatis confiteri potuerit, vti colligitur ex c. 1. & c. 2. vbi id Anton. notat hoc tit. & Ioann. Andr. in c. officium n. 4. eod. Abb. in c. 3. in fine, de ecclesijs edific. Postea verò per consuetudinem obtentum est, quæ & hodie viget, vt sacerdotes alijque Clerici seculares cuiuslibet exposito confessorio confiteri possent, vti dixi lib. 5. Th. moral. tr. 6. c. 10. n. 4.

**Q**UÆRITVR III. Vtrum Archipresbyter seu Decanus dignitatem aut personatum habeat. Interest enim, vt sciatur, vtrum ipsi à Sede Apostolica, aut Legato eius causæ delegari

delegari possint, iuxta c. statutum. 1. de re-  
script. in 6. Et vtrum Iudex conseruator cō-  
stitui possit, iuxta. c. vlt. de offic. delegati,  
in 6. Resp. & Dico I. Decanus Ecclesiæ Ca-  
thedralis, dignitatem, seu personatum ha-  
bere censetur. Quia tametsi ponamus, iuris-  
dictione præditum non esse, habet tamen  
præminentiam inter Canonicos, & alios  
Clericos. Quia item ratione Præpositi Eccle-  
siarum secularium, licet nullam administra-  
tionem seu iurisdictionem exercent, tamen

propter eminentiam, seu præcessionem, di-  
gnitatem seu personatum habere censetur.  
Videri potest Syl. ver. beneficium, 1. q. 5.

Dico II. Decani rurales non censentur  
habere dignitatem, vel personatum; sed sim-  
plex ministerium, seu officium. Neque in  
Ecclesijs principalibus, seu Cardinalibus  
præminent; sed solum in minoribus seu  
plebanis parochijs, vti constat ex hoc c. ver.  
per minores titulos.

## TITVLVS XXV. DE OFFICIO PRIMICERII.

### CAPITVLVM VNICVM.

#### Vt primicerius.

**P**rimicerius, sub Archidiacono  
constitutus, in docendo, ac psal-  
lendi ratione præest Diaconis,  
& alijs Clericis: quorum curam  
solicitam gerere debet, vt disci-  
plina inter eos obseruetur.

Aduerte primò: Quod olim veteres in  
tabulis ceratis scribere soliti sint. Hinc factū  
est, vt qui tabulis publicis præfectus erat,  
primicerius appellaretur, id est, primus no-  
tarius, seu protonotarius, vti constat ex tit.  
Codicis lib. 12. de primicerio, & secundo ce-  
rio, iun. Gl. rubricæ, & Nouel. 8. Iustin. c. 14.  
§. A spectabili. Sed & aliorum officiorum,  
vt cubiculi, palatij, militiæ, fabricæ primus  
præfectus, & vno verbo, quicumque in ali-  
quo hominum ordine primum albi, seu tabu-  
læ ceratæ locum obtinuit, primicerius di-  
ctus fuit; qui autem secundum locum tenuit,  
secundocerus, & qui tertium, tertiocerus,  
vti constat ex l. vlt. C. de domesticis, lib. 12.  
& notauit Azor cit. l. 3. c. 17. q. 1. Petr. Greg.  
Tholosanus lib. 15. Syntag. c. 22. Quare pri-

micerus hoc loco ille dicitur, qui tūm in  
choro psallentium, tūm in schola primum  
inter Diaconos, ac reliquos Clericos lo-  
cum habuit. Quare quibusdam Ecclesijs  
Præcentor appellari solet, vti videre est in c.  
cūm olim, 6. de consuet. & qui alterum post  
ipsum locum tenet, Sucentor, vti videre est  
in c. inter dilectos, 11. de excess. Prælator. &  
notat hic Hostiensis.

**Q**UÆRITVR, Vtrum primiceriatus,  
cantoria, seu præcentoria sit dignitas, seu per-  
sonatus? Respondeo: Si primicerius, seu  
præcentor, ratione officij sui, inter alios Ec-  
clesiæ Canonicos præminentiam habeat,  
seu priorem locum in choro, in Capitulo, in  
processione, censetur habere dignitatem, seu  
personatum. Idque constat ex c. cūm conce-  
sissent, 8. de constitut. Idemque dicendum  
est de subcentoria, vti Gl. docet in cit. c. inter  
dilectos. Et de Thesaurario, seu Custodis  
officio; sicuti Azor annotauit cit. c. 16. q. 6.  
Quod si verò Ecclesiæ Custos v. g. officium  
seu administrationem habeat absque præ-  
minentia, quia ratione muneris sui alios Ca-  
nonicos non antecedit, tunc licet beneficium  
duplex, & præbendam meliorem obtineat,  
non tamen dignitatem seu personatum, vt  
dixi lib. 4. tr. 2. c. 4. n. 4. §. Alia verò.